



Damondas da baghegiar

Nr. 30/2022

Datum da publicaziun: 01-04-2022
Patrun: Cabalzar Armin, 7175 Sumvitg
Representant: Biro d'inschignier Deplazes, 7173 Surrein
Liug e parcella: Sumvitg-Siltginas; 6062, 6032
Object: midada d'intent da diever agricol tier buca diever agricol

Nr. 34/2022

Datum da publicaziun: 01-04-2022
Patrun: Schlosser Luis, 7180 Disentis/Mustér
Liug e parcella: Sumvitg-Val Russein; 8016
Object: sanaziun e prolungaziun dil tetg dalla tegia

Nr. 35/2022

Datum da publicaziun: 01-04-2022
Patrun: Monn Silvana, 7175 Sumvitg
Liug e parcella: Sumvitg-Via Sursilvana; 3934
Object: remplazzar ed engrondir finiastras

Nr. 36/2022

Datum da publicaziun: 01-04-2022
Patrun: Tuor Leo, 7173 Surrein
Representant: Rafael Guldemann GmbH, 7166 Trun
Liug e parcella: Surrein-Val; 3778
Object: installar ina pompa da calira

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 01-04-2022

Cumissiun da baghegiar

Votaziun ed elecziuns communalas dils 10-04-2022

L'urna ei aviarta (en canzlia communal)

gievgia e venderdis mintgamai duront las uras da spurtegl dumengia, ils 10-04-2022, dallas 10.00 – 11.00 uras

Sonda e dumengia, ils 9 e 10 d'avrel 2022 mintgamai avon il survetsch divin en las fracziuns.

Il cedels da votar ein vegni distribui. Tgi ch'ei aunc buc en possess da tals ei supplicaus da s'annunziar tier l'administraziun communal.

Adatg!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriver. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.

Sumvitg, 01-04-2022

Biro electoral

Candidats proponi per elecziuns communalas (perioda d'uffeci 2022 – 2025)

Tenor art. 22 dalla lescha da votaziuns ed elecziuns ein las suandontas candidaturas vegnidas annunziadas entochen ils 15 da mars all'administraziun communal. La successiun dils numms se presenta cheu sut sco previda ella lescha tenor alfabet.

President communal	Cathomas Marc, Surrein (niev) Schaniel Patrick, Sumvitg (niev)
Geraus	Bearth Rest Andriu, Sumvitg (niev) Cathomas Cornelia, Surrein (niev) Huonder Gion Battesta, Cumpadials (niev)
Cumissiu da quen e gestiun	Bearth Andri, Rabiun (niev) Damiano Michele, Rabiun (veder) Vincenz Rafaela, Sumvitg (veder)
Cumissiu da baghegiar	Decurtins Samuel, Rabiun (niev) Deplazes Otto, Surrein (niev) Forster Ulrich, Surrein (veder) Monn Erwin, Sumvitg (veder)

Sumvitg, 01-04-2022

Suprastanza communal

Vignettas da mopeds

La vignetta da mopeds 2022 sa vegnir retratga tier l'administraziun communal. La taxa munta **frs. 38.55**.

Sumvitg, 01-04-2022

Administraziun communal

Uras da telefon administraziun communal

A caschun dalla radunonza communal dils 22 da mars 2022 ei il project habitaziuns casa da scola Sumvitg vegnius approbaus. Las lavurs vegnan lantschadas gliendisdis, **ils 28 da mars 2022**.

Muort las emissiuns da canera entras las lavurs eis ei vegniu decidiu da fixar uras da telefon durant las qualas las emissiuns da canera vegnan reducidas per aschia possibilizar da telefonar cull'administraziun communal. Per il proxim temps ei l'administraziun communal consequentamein contonschibla per telefon sco suonda:

- **Gliendisdis entochen venderdis naven dallas 10.00 entochen las 12.00 uras.**

Las uras da spurtegl vegnan buc adattadas.

Nus sperein per Vossa capientscha. Per damondas stein nus bugen a Vossa disposiziun.

Sumvitg, 01-04-2022

Administraziun communal

Protocol dalla radunonza communal dils 22-03-2022

Naven dils 01-04-2022 ei il protocol dalla radunonza communal dils 22-03-2022 exponius public en scaffa avon la canzlia communal e sin la pagina d'internet www.sumvitg.ch duront 30 dis.

Il protocol sa plinavon vegnir retratgs dalla canzlia communal duront las uras da spurtegl. L'administraziun communal porscha plinavon in abbonament en fuorma da pupi. Ils cuosts da porto da frs. 2.50 per protocol vegnan tschentai a quen als abbonents. Convischinas e convischins che han interess d'in tal abbonament ein supplicai da s'annunziar tier l'administraziun communal.

Protestas encunter il protocol san tenor art. 11 dalla lescha da vischnauncas dil cantun Grischun vegnir inoltradas duront quei temps d'exposiziun tier la suprastonza communal.

Sumvitg, 01-04-2022

Administraziun communal

Meisa da miezdi (gentar comunabel) dalla Pro Senectute a Cumpadials

Pro Senectute Surselva organisescha ensemen cun Nadja Scolieri ell'«Ustria dalla Staziun» a Cumpadials ina meisa da miezdi (gentar comunabel) inagada per meins, mintgamai il venderdis. Intent dalla meisa da miezdi dueiesser da promover la cuminonza ella vischnaunca da Sumvitg e contuorn denter las personas ella vegliadetgna dalla pensiun.

Liug: «Ustria dalla Staziun», 7176 Cumpadials

Datum: venderdis, ils 8 d'avrel 2022, allas 12.00

Annunzias: Ein da far entochen mesjamna-sera tier «Ustria dalla Staziun», Cumpadials, tel. 081 943 19 22

Casa s. Martin, Trun

Suentermiezdi da viseta per in e scadina! Sonda, ils 2 d'avrel, dallas 13.00 entochen allas 17.00 Mira sut Trun!

Producziuns finalas – Movis

Juhui! Finalmein astgein nus puspei sepresentar. Mira sut Disentis/Mustér!

Tanzaufführung – Movis

Juhui! Endlich dürfen wir wieder auftreten. Siehe unter Disentis/Mustér!